



Ka Rukom Rep Motor

U MOTOR

U Motor u long u jait jhur uba kham kynrei bha ha kine ki thain jong ngi. Ngi lah ban shem ar jait ki motor uwei uba ngi khot u "Garden Pea" (Pisum sativum var. Hortense) lane table pea uwei pat uba ngi khot "Field Pea" (Pisum sativum var. Arvense). U garden pea u don u syntiew uba lieh bad la ju thung bha ia u na ka bynta ban shet jhur. U field pea pat u don u syntiew rong purple bad la thung ia u kham bunsien na ka bynta ban pynlong shana bad ban pynsboh ia ka khyndew.

U Motor u long u jhur uba iarap bha ban tei ia ka met bad u don shibun ki Protein (22.5%), Minerals bad Bitamins.

Ki Jait Symbai:

Kat kum ka jingshem jong ka ICAR Research Complex for North Eastern Region ki jait symbai ba iahap bad kane ka thain jong ngi ki long kumne harum:

| Sl no. | Variety | Rukom long u jingthung | Ka kynjang | Jingshim por(sngi) | Jingmih (Q/ha) |
|--------|------------|------------------------|------------|--------------------|----------------|
| 1 | DMR 7 | Bajrong | Jaka pdeng | 110-125 | 75-80 |
| 2 | DMR 50 | Bajrong | Jaka pdeng | 115-130 | 65-70 |
| 3 | TRCP8 | Bajrong | Jaka pdeng | 130-140 | 70-75 |
| 4 | TRCP9 | Bajrong | Jaka pdeng | 130-140 | 70-75 |
| 5 | Rachana | Bajrong | Jaka them | 125-130 | 60-70 |
| 6 | Ambika | Bajrong | Jaka them | 100-125 | 60-70 |
| 7 | Arkel | Balyngkot | Jaka pdeng | 105-110 | 50-60 |
| 8 | Bonneville | Bapdeng | Jaka pdeng | 105-110 | 80-85 |

Ka Rukom pynkhreh iaka jaka bad ka rukom thung:

U Motor um lah shan haka jaka ba bun ka jingjew. Kaba ai shun kumba 2t/ha 15-20 sngi shwa ban thung ka iarap ban pynkiew ha ka jingmih. Kaba puh jylliew bad pynkylla ia ka khyndew shisien nangta bud sa ka jingpynlwet bad soi ar haduh lai sien ka long kaba donkam haba

pynkhreh iaka jaka thung. Haba pynkhreh ia ka jaka thung kiar naka jingpynlwet ni palat ia ka khyndew. Ka bun thung ka dei ban long kaba la puh pyn madan bad ryntih bha bad ka khyndew kadei ban long kaba shong sngem ha ka por thung. Haba thmu ban thung Motor ha pynthor, dei ban shna bun kaba 6-10 inshi ka kynjang 4-5 metar ka jingrong bad 1.25-1.5 metar ka pyngkiang. Ha man ki bun dei ban shna nur kaba shi metar ka jingiar khnang ban ioh lyer bha ki thied.

Ka por thung kaba biang tam kadei ha ka taiew ba nyngkong jong u bnai Risaw ha ki jaka them bad ha u bnai Nailar ha ki jaka pdeng bad jrong ka kynjang. Ka por thung ka dei kawei kaba donkam eh namar lada la slem palat ka ktah iaka jingseisoh.

Ka Jingdonkam Symbai:

Na ka bynta u symbai ba kham shim por ban soh, ka jing donkam symbai ka long 60-80 kg/hektar haba thung haka jingjingai kaba shi phut shiteng haduh ar phut na uwei u lain sha uwei pat. Ia u symbai ba soh kloï bad lyngkot por kum u Azad p-1 bad Kashmir bad kumta ter ter ki donkam kumba 100-125 kilo ha ka shi hektar haba thung ha ka jingjingai kaba shiphut tam.

Ka jing pynbiang sboh:

Namar ba u motor u dei na ka longiing jong ki jait ba pur (Leguminous) um da donkam than shibun ka sboh nitrogen kaba ngi ioh na ka urea. Lada lah ai kumba 15-20 ton ka sboh eit masi ne sboh mariang haka por ba pynkhreh iaka jaka thung.

Ka Jing Donkam Um:

Ha ki jaka ba kham kynjang donkam ban ai um ia u jingthung. Donkam ruh ban kham phikir ban ai um haka por ba u jingthung u puh syntiew. Haba thung ia u motor ha ki jaka them ne lyngkha ka jing pynbiang um kam da long kaba donkam eh hynrei dei pat ban phikir bad kiar na ka jinglang um ha ki jaka thung namar kane ka lah ban wallam sha ka jingduna ha ka jingkha tnat bad jingseisoh u motor.

Ka Jingsieh Dieng / Kaba ai jingkyrshan:

Ia u motor jrong donkam ban sieh dieng ban ai jingkyrshan. Ngi lah ban sieh da u siej ha ka jingjingai kaba shi metar(1.5-2 m) na uwei u laiñ lane row sha uwei pat bad nangta sa teh bad pynpur da u tyllai ban pynduna ka jinglut ksan.



Ka Jingthiew Ñiut:

U Motor u donkam ban lait na ki ñiut khamtam ha ka por ba dang sdang thung haduh ka por ba u la kot ar bnai ka rta jong u jingthung. Kaba thiew iaki ñiut hadien arphewsan haduh sawphew (25-40) sngi ba la thung, ka iarap ban pynduna ia ki ñiut.

Ki Khñiang

Ki Khñiang dpei: *Ki ñiang ksi ki long ki khñiang kiba jyrngam kiba sop ia ki kliar jong u jingthung bad kjit ia ka um.*



Ki dak ka jingshah pynjolor:

❖ *U jingthung uba shah pynjolor u blad rong noh bad kylla rong stem bad iap stai.*

Ki lad jingiada:

- ❖ *Thung da ki syntiew marigold ha baroh sawdong ka kper ban iada na ki ñiang dpei bad ñiang ksi.*
- ❖ *Pyndonkam da ki trap bad ambit ban pynduna ia ki khñiang dpei bad ñiang ksi.*
- ❖ *Synreit da ki bio-pesticides kum u Nimbecidine 1500ppm da kaba khleh 3ml ha ka shi litar ka um.*

U Khñiang Sam Thliew (pod borer)

❖ *Ki Ñiang Sam thliew ki long kum ki ksaiñ ba jyrngam, ki kham kynrei ha ka por ba u jingthung u sdang dap shyieng.*



Ki dak ka jingshah pynjolor:

❖ *Une u khñiang u ksam thliew shapoh u soh bad bam ia ki shyieng.*

Ki lad jingiada

❖ *Synreit da ka dawai Bacillus thuringiensis (Bt) lane Biolep kumba 12-13 shamoit ha ka shi pump ka um.*

Ki khñiang ksam sla (leaf miner):

❖ *Ki Ñiang Ksam sla ki long kiba rit bad jrong kiba ngim lah iohi da ki khmat.*



Ki jingjutor

- ❖ *Kine ki khñiang ki ksam shapoh ki sla bad shna ki kynja lynti ba kyllaiñ ha ki sla.*

Ki lad jingiada

- ❖ *Synreit da ki bio-pesticides kum u Nimbecidine 1500ppm da kaba khleh 3ml ha ka shi litar ka um.*

Ki jait jingpang

Ka jingpang bthuh ha ki Sla (Powdery mildew)

Ki jingjutor

- ❖ *Ka jingmih kum ki kynja powdar pui pui ha jrong ki sla.*



Ki lad jingiada

- ❖ *Synreit da ka wettable sulphur kumba 2g/litar.*
- ❖ *Shim shi shamoit ka baking soda bad sa khleh ha ka 3 litar ka um.*
- ❖ *Synreit da u Bio-dewon kumba 3litar/ha ha u jingthung shwa ba kane ka jingpang kan paw. Synreit biang kumba 2-3 sien kumba la bthah.*